

დანართი N1

N	ერთობლივი შესყიდვის მონაწილე მხარე	შესასყიდი სამუშაოს საორიენტაციო ღირებულება (ლარი)	საზედამხედველო მომსახურების სავარაუდო ღირებულება (ლარი)
1	სსიპ საქართველოს მუნიციპალური განვითარების ფონდი	137,644,165.00	4,587,852.07
2	წალენჯიხის მუნიციპალიტეტი	3,400,000.00	113,326.25
3	ხობის მუნიციპალიტეტი	4,600,000.00	153,323.75
4	საჩხერის მუნიციპალიტეტი	3,200,000.00	106,660.00
5	ჭიათურის მუნიციპალიტეტი	3,015,590.00	100,513.38
6	შუახევის მუნიციპალიტეტი	1,400,000.00	46,663.75
7	ხულოს მუნიციპალიტეტი	500,000.00	16,665.63
8	ხელვაჩაურის მუნიციპალიტეტი	1,050,000.00	34,997.81
9	მესტიის მუნიციპალიტეტი	400,000.00	13,332.50
10	ოზურგეთის მუნიციპალიტეტი	3,100,000.00	103,326.88
11	ზესტაფონის მუნიციპალიტეტი	1,690,245.00	56,337.98
	ჯამი	160,000,000.00	5,333,000.00

ტექნიკური დავალება

საერთო

1. საქართველოს მუნიციპალური განვითარების ფონდი და ადგილობრივი თვითმმართველობები (შემდგომში **შემსყიდველი**), საქართველოს სხვადასხვა მუნიციპალიტეტებში განახორციელებს სამშენებლო სამუშაოების ზედამხედველობის საერთო მენეჯმენტს და კოორდინაციას ურბანული განახლების პროგრამის ფარგლებში.
2. საკონსულტაციო კომპანია (შემდგომში **მიმწოდებელი**) არის შემსყიდველის იურიდიული წარმომადგენელი და იღებს საერთო პასუხისმგებლობას პროფესიონალური ზედამხედველობა გაუწიოს სამშენებლო სამუშაოების განმახორციელებელი კომპანიის (შემდგომში **კონტრაქტორი**) საქმიანობას.
3. მიმწოდებლის მიერ გაწეული საკონსულტაციო მომსახურება (შემდგომში **მომსახურება**) გულისხმობს სამშენებლო სამუშაოების ყოველდღიური ზედამხედველობის ორგანიზებას. სამშენებლო კონტრაქტებით განხორციელდება სხვადასხვა ტიპის სამუშაოები მათ შორის: კულტურულ-ისტორიული მემკვიდრეობის ობიექტების და მუნიციპალიტეტების ადმინისტრაციული ცენტრების რეაბილიტაცია, რეკონსტრუქცია, სივრცეების მოწყობა და ტურისტული ინფრასტრუქტურის განვითარება, საზოგადოებრივი ობიექტების მშენებლობა-რეაბილიტაცია, ქალაქებისა და კურორტების ურბანული განახლება, საქალაქო საკომუნიკაციო ინფრასტრუქტურის მოწყობა-მოწესრიგება, გზების რეაბილიტაცია და ა.შ.
4. სამშენებლო სამუშაოები, რომლის ზედამხედველობაც უნდა განახორციელოს მიმწოდებელმა შეიძლება იყოს როგორც კონტრაქტორის მიერ პროექტირება/მშენებლობა (Design-Build)-ის მეთოდით განხორციელებული, ასევე ადგილობრივი მუნიციპალიტეტების მიერ მოწოდებული პროექტების მიხედვით შესრულებული.
5. მომსახურების მიწოდების სავარაუდო ხანგრძლივობა არის ხელშეკრულების გაფორმებიდან 36 თვე (დეფექტებზე პასუხისმგებლობის პერიოდის ჩათვლით).

მომსახურების მიწოდების არეალი

სამშენებლო სამუშაოების ზედამხველობის მომსახურება უნდა განხორციელდეს ქვემოთ მითითებულ მუნიციპალიტეტებში

N	მუნიციპალიტეტი
1	ლანჩხუთი
2	ოზურგეთი
3	ჩოხატაური
4	მესტია
5	წალენჯიხა
6	ჩხოროწყუ
7	მარტვილი
8	ფოთი
9	ხობი
10	სენაკი
11	აბაშა
12	ზუგდიდი
13	ლენტეხი
14	ონი
15	ცაგერი
16	ამბროლაური
17	ტყიბული
18	სამტრედია
19	წყალტუბო
20	ხონი
21	თერჯოლა
22	ქუთაისი
23	ვანი
24	საჩხერე
25	ჭიათურა
26	ხარაგაული
27	ზესტაფონი
28	ბაღდათი
29	შუახევი
30	ქედა
31	ხულო
32	ქობულეთი
33	ხელვაჩაური
34	ბათუმი

მომსახურების საერთო აღწერილობა.

1. მიმწოდებელმა უნდა უზრუნველყოს კონტრაქტორის მიერ შესრულებული სამშენებლო სამუშაოების შესაბამისობა სამშენებლო სამუშაოებზე ხელშეკრულებით გათვალისწინებულ მოთხოვნებთან, პროექტთან, ტექნიკური სპეციფიკაციებთან, შრომის უსაფრთხოების და გარემოსდაცვით მოთხოვნებთან ხელშეკრულების მოქმედების ყველა ეტაპზე მათ შორის: სამშენებლო სამუშაოების დაწყებიდან დეფექტებზე პასუხისმგებლობის პერიოდის ვადის გასვლამდე რის შემდეგაც მიმწოდებელი გამოცემს დასრულების სერტიფიკატს.
2. მიმწოდებელი ღებულობს ყველა საინჟინრო გადაწყვეტილებას, რომელიც საჭიროა სამუშაოების წარმატებით და დროულად განხორციელებისთვის და გააჩნია ყველა ის უფლებამოსილება, რომლებიც განსაზღვრულია, როგორც მიმწოდებლის მოვალეობები შემსყიდველსა და მიმწოდებელს შორის გაფორმებული ხელშეკრულების მიხედვით.
3. დაკისრებული ვალდებულებების განხორციელებისთვის მიმწოდებელმა უნდა უზრუნველყოს სამუშაო გუნდის მობილიზება. სამშენებლო სამუშაოების მუდმივი ზედამხედველობის მიზნით, მიმწოდებელმა თითოეული სამშენებლო ობიექტისთვის (ლოკაციისთვის) უნდა დაიქირავოს საჭირო რაოდენობის და კვალიფიკაციის პერსონალი თითოეული დაქირავებული თანამშრომლის შეთანხმება შემსყიდველის შესაბამის სამსახურებთან სავალდებულოა, თანამშრომლის მიერ არაჯეროვანი მომსახურების გაწევის შემთხვევაში, შემსყიდველის დასაბუთებული მოთხოვნით ხდება მისი სხვა სპეციალისტით ჩანაცვლება.
4. მიმწოდებელი სამშენებლო სამუშაოებზე შემსყიდველის სახელით ახორციელებს სრულ საზედამხედველო მომსახურებას, რაც ითვალისწინებს ზედამხედველობისა და მონიტორინგის ისეთი სისტემის ჩამოყალიბებას, რომელიც უზრუნველყოფს მშენებლობის ეფექტურ ზედამხედველობას სამშენებლო სამუშაოების შესახებ ხელშეკრულების მოთხოვნების სრულფასოვანი შესრულების, სამშენებლო სამუშაოების მაღალი ხარისხის, მშენებლობის მსვლელობის სრულფასოვანი კონტროლის, გარემოსდაცვითი

ჯანმრთელობისა და შრომის უსაფრთხოების მოთხოვნების დაცვის, ხარჯების კონტროლის და ა.შ. მიზნით.

5. მიმწოდებელი უშუალოდ პასუხისმგებელია სამუშაოების ყოველდღიურ ზედამხედველობაზე, მჭიდრო კავშირში იმუშავებს შემსყიდველის მიერ განსაზღვრულ პასუხისმგებელ პირებთან.
6. მიმწოდებელი რეგულარულად ამზადებს და უგზავნის შემსყიდველს ყოველკვირეულ და ყოველთვიურ ანგარიშებს სამუშაო აქტივობების შესახებ.

საკონსულტაციო მომსახურების დეტალური აღწერილობა

1. მიმწოდებელმა უნდა წარმოადგინოს სამშენებლო ზედამხედველობის დეტალური სამუშაო გეგმა (მიმწოდებლის გუნდის თითოეული სპეციალისტის მოვალეობების ჩათვლით), რომელიც მიბმული იქნება სახელშეკრულებო ვადებთან და მშენებლობის ფაზებთან.
2. სხვადასხვა მუნიციპალიტეტებში საკონტრაქტო სამუშაოები შეიძლება მიმდინარეობდეს პარალელურ რეჟიმში განსხვავებული დასრულების ვადებით, შესაბამისად მიმწოდებელი ვალდებულია განახორციელოს სრულფასოვანი ზედამხედველობა მშენებლობის ყველა ეტაპზე დამატებითი ანაზღაურების მოთხოვნის გარეშე, ზოგიერთ კონტრაქტში დასრულების ვადების შესაძლო ცვლილების მიუხედავად.
3. მიმწოდებელმა, თითოეული სამშენებლო კონტრაქტით გათვალისწინებული სამუშაოთა სპეციფიკიდან და ხასიათიდან გამომდინარე, უნდა უზრუნველყოს სათანადო კვალიფიკაციის და პროფესიული გამოცდილების მქონე დარგის ინჟინრების და სპეციალისტების საჭირო რაოდენობის აყვანა/მოხილიზება. მათი რაოდენობა ყოველი სამშენებლო კონტრაქტისთვის უნდა შეთანხმდეს შემსყიდველთან.
4. სამუშაოს დაწყებამდე, მიმწოდებელმა უნდა ჩაატაროს საპროექტო დოკუმენტაციის ყოვლისმომცველი და საფუძვლიანი შემოწმება/შეფასება, რაც ასევე ითვალისწინებს ადგილებზე ობიექტების ინსპექტირებას, რის შემდეგაც მოამზადებს წერილობით დასკვნას პროექტში შესატან ყველა საჭირო ცვლილებაზე ასეთის საჭიროების შემთხვევაში. მიმწოდებელი ვალდებულია გამოავლინოს საპროექტო დოკუმენტაციაში არსებული ხარვეზები და წერილობით აცნობოს ამის შესახებ შემსყიდველს ასეთის არსებობის შემთხვევაში.
5. მიმწოდებელი ამტკიცებს და მონიტორინგს უწევს კონტრაქტორი კომპანიის მიერ წარმოდგენილ სამუშაო და ფინანსურ გრაფიკებს და მათ შესრულებას. კონტრაქტორის მხრიდან გრაფიკებთან ჩამორჩენის შემთხვევაში მიმართვს შემსყიდველის წარმომადგენელს კონტრაქტორთან გაფრთხილების წერილის გაგზავნის და კონტრაქტორის მხრიდან კორექტირებული გრაფიკების წარმოდგენის თაობაზე.

6. მიმწოდებელი უზრუნველყოფს კონტრაქტორის მიერ შემოთავაზებული სამშენებლო მეთოდების და მასალის შესაბამისობას საპროექტო მოთხოვნებთან და სამშენებლო ნორმებთან. ახორციელებს მშენებლობაზე გამოყენებული სამშენებლო მასალების წარმომავლობის და ხარისხის შესაბამისობის სერტიფიკატების, მწარმოებლის მიერ ქარხანაში ნიმუშების ანალიზის, და მასალის ტექნიკური სპეციფიკაციების სახელშეკრულებო მოთხოვნებთან და სამშენებლო ნორმებთან შესაბამისობის შემოწმებას. წერილობით უდასტურებს კონტრაქტორს თანხმობას მასალის გამოყენებაზე.

7. მიმწოდებელმა უნდა უზრუნველყოს კონტრაქტორის მიერ შესრულებული სამუშაოების სრული შესაბამისობა დამტკიცებულ პროექტთან, ხელშეკრულებით გათვალისწინებულ ტექნიკურ სპეციფიკაციებთან და არსებულ სამშენებლო ნორმებთან სამუშაოების ყველა ეტაპზე მათ შორის:

ა) შენობა-ნაგებობათა სამშენებლო სამუშაოები. ფასადების, აივნების, მოაჯირების მოწყობა-რეაბილიტაცია, კედლებისა და ტიხარების მოწყობა, სახურავის მოწყობა, კარ-ფანჯრების ჩასმა, საბათქაშო, მოსაპირკეთებელი და სამღებრო სამუშაოები, იატაკების და ჭერის მოწყობა, კიბეების, ვიტრაჟების მოწყობა, სანტექნიკური, წყალსადენ-კანალიზაციის (როგორც შიდა ასევე გარე ქსელები) და სანიაღვრე სისტემების, ჭების მოწყობის სამუშაოები, ელექტრო და გაზყვანილობის სამუშაოები (როგორც შიდა ასევე გარე ქსელები), სადემონტაჟო სამუშაოები, ეზოების მოწყობა და სხვა.

ბ) საგზაო ინფრასტრუქტურის სარეაბილიტაციო სამუშაოები მათ შორის: საფუძვლის და საგზაო სამოსის, მიერთებების, ეზოში შესასვლელების, ქვაფენილების, სანიაღვრე ჭების და კოლექტორების, ბორდიურების და ტროტუარების, საგზაო მონიშვნების, მიწისქვეშა კომუნიკაციების და გარე განათების მოწყობის სამუშაოები.

გ) სკვერების და პარკების სარეაბილიტაციო სამუშაოები მათ შორის: ტერიტორიაზე არსებული ამორტიზირებული ინფრასტრუქტურის სარეაბილიტაციო სამუშაოები, ტერიტორიის კეთილმოწყობა, სპორტული აქტივობების მოედნების, გასახდელების, ტრიბუნების, საბავშვო აქტივობის ბაჟნების, საფეხმავლო ბილიკების, ფანჩატურების, დეკორატიული ღობეების, წყალ და ელექტრო მომარაგების, კანალიზაციის, განათების სკამების, სანაგვე ურნების, დენდროლოგიური და ლანდშაფტური სამუშაოების ზედამხედველობა.

დ) შენობების რეკონსტრუქცია-რესტავრაციის სამუშაოები (არქიტექტურული და კონსტრუქციული ნაწილები), შენობის ფასადის სარემონტო, არქიტექტურული და დეკორატიული ელემენტების

შესრულების ხარისხი, ხის, მეტალის, ქვის და ბეტონის კონსტრუქციების აღდგენის/შეცვლის სამუშაოების, გამოყენებული მასალების შესაბამისობა პროექტის მოთხოვნებთან, სპეციფიკაციებთან და ხარისხის სტანდარტებთან; უზრუნველყოს პროექტით განსაზღვრული და შეთანხმებული ტექნოლოგიების დაცვა;

ე) პროექტით განსაზღვრული მოწყობილობა-აღჭურვილობის მონტაჟის და ტესტირების ზედამხედველობა და მათი ტექნიკური სპეციფიკაციების მოთხოვნებთან შესაბამისობის დადასტურება.

8. მიმწოდებელი ახორციელებს შესრულებული სამშენებლო სამუშაოების რაოდენობრივ და ხარისხობრივ შემოწმებას და მათ შესაბამისობას პროექტთან, ტექნიკურ სპეციფიკაციებთან და ქვეყანაში მოქმედ სამშენებლო ნორმებთან. დეტალურად ამოწმებს კონტრაქტორის მიერ წარმოდგენილ შესრულებული სამუშაოების უწყისებს (შემდგომში ფორმა 2) და ახდენს მათ დამოწმებას; ამოწმებს კონტრაქტორის მიერ წარმოდგენილ საშემსრულებლო ნახაზების შესრულებულ სამუშაოსთან შესაბამისობას; ახორციელებს ფარული სამუშაოების დადასტურებას ტექნოლოგიური ციკლის მომდევნო ეტაპის სამუშაოების ჩატარების გაგრძელების მოთხოვნით; უზრუნველყოფს კონტრაქტორის მხრიდან დასრულებულ სამუშაოებზე საჭირო დოკუმენტაციის მათ შორის: მასალის წარმომავლობის და ხარისხის დამადასტურებელი სერტიფიკატების, ლაბორატორიული ტესტირების აქტების, კორექტირებული ფორმა 2-ის, კლება-მატების უწყისების, მასალის გამოყენებაზე მიმწოდებლის თანხმობის, დანადგარების და მოწყობილობების გამოცდის აქტების და ა.შ. წარდგენას და შუალედური და საბოლოო გადახდის სერტიფიკატების დამოწმებას.
9. აქტიურაქდ მონაწილეობს მშენებლობის პროცესში წარმოქმნილ ტექნიკური საკითხების გადაწყვეტაში. ტექნიკურ და ეკონომიური კუთხით აფასებს პროექტში შესატან შესაძლო ცვლილებებს და საჭიროების შემთხვევაში ახდენს მათ ინიცირებას. ამზადებს ცვლილების ტექნიკურ დასაბუთებას და თან ურთავს ცვლილების განსახორციელებლად საჭირო დოკუმენტაციას (წერილები, კლება-მატების უწყისი, ნახაზები, საექსპერტო დასკვნები და ა.შ.) შემსყიდველის მხრიდან ცვლილებების შემდგომი განხილვის მიზნით.
10. მიმწოდებელი ახორციელებს პროექტის მიმდინარეობის სააღრიცხვო დოკუმენტების და ანგარიშების წარმოებას და შენახვის ორგანიზებას (მათ შორის წერილების, ელექტრონული მიმოწერის, აქტების, ინსტრუქციების, სტანდარტული ფორმების, ფოტომასალის, მომხმარებლის

სახელმძღვანელოების, დასკვნების, სერტიფიკატების, ცნობების, მოხსენებითი ბარათების და ა.შ). აკონტროლებს ადგილზე სამშენებლო ჟურნალის წარმოებას.

11. მიმწოდებელი ყოველკვირულად და ყოველთვიურად ახორციელებს შემსყიდველისთვის წარსადგენად ანგარიშების მომზადებას, (შემსყიდველთან შეთანხმებული გრაფიკით და ფორმით) რომელშიც ასახულია კონტრაქტორის მიერ შესრულებული სამუშაოების ხარისხობრივი და რაოდენობრივი შეფასება, ინფორმაცია გამოვლენილი პრობლემების და შესაძლო რისკების შესახებ, სამუშაოს ტემპების შეფასება გეგმა-გრაფიკთან მიმართებაში, შრომის უსაფრთხოებისა და გარემოსდაცვითი მოთხოვნების პირობების შესრულება, და ა.შ.

12. მიმწოდებელმა უნდა უზრუნველყოს გარემოსდაცვითი მოთხოვნების განხორციელებაზე საერთო მეთვალყურეობა და უზრუნველყოს კონტრაქტორის მხრიდან საქართველოს კანონმდებლობით გათვალისწინებული გარემოსდაცვითი მოთხოვნების შესრულება.

13. მიმწოდებელი ვალდებულია ეფექტურად დაგეგმოს მის მიერ განსახორციელებელი პროცედურები, რომ კონტრაქტორს ხელი არ შეეშალოს კონტრაქტით გათვალისწინებული სამუშაოების დროულად შესრულებაში.

14. მიმწოდებელი ახორციელებს სამუშაოების მიღება ჩაბარების პროცედურებს. ამოწმებს და ადასტურებს კონტრაქტორის მხრიდან მიღება-ჩაბარებისთვის წარმოდგენილ დოკუმენტაციის სრულყოფას და სისწორეს (როგორც მყარი ასევე ელექტრონული ვერსიისთვის), ასეთ დოკუმენტაციას განეკუთვნება (მაგრამ არ შემოიფარგლება) შემდეგი დოკუმენტები:

- ობიექტის ექსპლუატაციაში მისაღებად საჭირო საკადასტრო აზომვით ნახაზი, შენობანაგებობ(ებ)ის დატანით;
- ფარული სამუშაოების აქტები;
- გამოყენებული სამშენებლო მასალების ლაბორატორიული გამოცდის დასკვნები;
- სერტიფიკატები (პასპორტებს) ქარხნული წესით დამზადებულ კონსტრუქციებზე;

- სერტიფიკატები (წარმოშობის და ხარისხის) გამოყენებულ მასალებზე;
- შესრულებული სამუშაოების ამსახველ საბოლოო აქტი;
- სამუშაოთა წარმოების ჟურნალი;
- შესრულებული სამუშაოების საბოლოო ტოპო-გეოდეზიურ ანაზომი;
- მშენებლობის ნებართვა;
- საშემსრულებლო ნახაზები;
- დანადგარების და მოწყობილობების გამოცდის აქტები (გათბობა-გაგრილების სისტემები, გენერატორები, ლიფტები და ა.შ.);
- მასალის გამოყენებაზე მიმწოდებლის მიერ გაცემულ თანხმობები.

15. მიმწოდებელი ადგენს დეფექტების ჩამონათვალს და კონტრაქტორის მხრიდან მათ გამოსწორების გონივრულ ვადებს.

16. მიმწოდებელმა, ხელშეკრულებით განსაზღვრული მოვალეობების სრულფასოვნად განხორციელების მიზნით, თავის სამუშაო გუნდი უნდა უზრუნველყოს ყველა საჭირო საზომი და საცდელი მოწყობილობით, მათ შორის: ლაზერული 3 D სკანერით (განსაკუთრებით კულტურული და ისტორიული მემკვიდრეობის ძეგლებზე სამუშაოდ), შმიდტის ჩაქუჩით, ლაზერული და მექანიკური მანძილ მზომებით, გრუნტის ტკეპნის მახასიათებლების განსაზღვრელი და სხვადასხვა ელექტრო პარამეტრების მზომი ხელსაწყოებით და ა.შ.

17. მიმწოდებელი ვალდებულია შეასრულოს შემსყიდველის მიერ მითითებული სხვა დავალება, რომელიც შეიძლება გონივრულად დაეკისროს მიმწოდებელს შემსყიდველის უფლებამოსილი პირის მხრიდან.

დასაქმებული სპეციალისტების კვალიფიკაცია მათი შეთანხმების პირობები

მიმწოდებელმა უნდა უზრუნველყოს შესაბამისი გამოცდილებისა და კომპიტენციის გუნდის მობილიზება, რომელსაც შეწევს უნარი შეასრულოს ამ ტექნიკური დავალებით განსაზღვრული მიზნები. გუნდის თითოეულ წევრს უნდა ჰქონდეს მათზე დაკისრებული მოვალეობის შესაბამისი გამოცდილება ქვემოთ მოყვანილ ცხრილში მითითებული სპეციალობებისა და სამუშაო წლების გათვალისწინებით.

მიმწოდებელი ვალდებულია თითოეულ ობიექტზე ზედამხედველობის მომსახურების დაწყებამდე არაუგვიანეს 10 სამუშაო დღეში შეუთანხმოს შემსყიდველს კანდიდატურები და მხოლოდ შემსყიდველთან შეთანხმებული კანდიდატურებით უზრუნველყოს მომსახურების გაწევა.

მომსახურების ხარისხის გაუმჯობესების ან მომსახურების დროულად დასრულების მიზნით შემსყიდველის დასაბუთებული მოთხოვნის საფუძველზე მიმწოდებელი ვალდებული არის უზრუნველყოს შესაბამისი სპეციალისტ(ებ)ის დამატება ან შეთანხმებული სპეციალისტის ჩანაცვლება სხვა სპეციალისტით ჩანაცვლება.

ყველა საკვანძო ექსპერტს უნდა გააჩნდეს შესაბამისი დარგის მინიმუმ ბაკალავრის დიპლომი გაცემული აკრედიტირებული უმაღლესი სასწავლებლის მიერ.

პოზიცია	სპეციალობით მუშაობის გამოცდილება
ჯგუფის უფროსი საინჟინრო სამოქალაქო მშენებლობის მენეჯმენტის დარგის სპეციალისტი.	მენეჯერულ პოზიციაზე მუშაობის 5 წლის გამოცდილებით
რეზიდენციების, ინსტიტუციონალური შენობების მიმწოდებელი /სამშენებლო საინჟინრო გამოცდილებით სამოქალაქო მშენებლობის დარგში.	სპეციალობით მუშაობის 7 წლის გამოცდილებით
საგზაო მიმწოდებელი	სპეციალობით მუშაობის 10 წლის გამოცდილებით
ელექტრო მიმწოდებელი	სპეციალობით მუშაობის 5 წლის გამოცდილებით
კონსტრუქტორი	სპეციალობით მუშაობის 5 წლის გამოცდილებით
არქიტექტორი/ლანდშაფტის დიზაინერი	სპეციალობით მუშაობის 10 წლის გამოცდილებით
წყალმომარაგებისა და კანალიზაციის მიმწოდებელი	სპეციალობით მუშაობის 5 წლის გამოცდილებით
ხარისხის კონტროლის სპეციალისტი	სპეციალობით მუშაობის 2 წლის გამოცდილებით
შრომის უსაფრთხოების სპეციალისტი	სპეციალობით მუშაობის 1 წლის გამოცდილებით
გარემოს დაცვის სპეციალისტი	სპეციალობით მუშაობის 2 წლის გამოცდილებით

პროექტი
ხელშეკრულება სახელმწიფო შესყიდვის შესახებ N-----

ერთი მხრივ, _____ (შემდგომში „შესყიდველი“), წარმოდგენილი მისი -----
----- სახით და მეორე მხრივ, ----- (შემდგომში „მიმწოდებელი“) წარმოდგენილი მისი ----- სახით, შესყიდველის მიერ გამოცხადებული ელექტრონული ტენდერის (-----) შედეგების გათვალისწინებით, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შესყიდველ ორგანიზაციასა და მიმწოდებელ ორგანიზაციას შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელზედაც მხარეთა შორის გაფორმდა ხელშეკრულება.
- 1.3. „შესყიდველი ორგანიზაცია“ (შემდგომში „შესყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4. „მიმწოდებელი“ ნიშნავს პირს, რომელთანაც შესყიდველმა გააფორმა სახელმწიფო შესყიდვის შესახებ ხელშეკრულება და რომელიც ახორციელებს მომსახურების მიწოდებას სახელმწიფო შესყიდვის შესახებ მოცემული ხელშეკრულების ფარგლებში.
- 1.5. „დღე“, „კვირა“, „თვე“ - ნიშნავს კალენდარულ დღეს, კვირას, თვეს თუ ხელშეკრულებით სხვა რამ არ არის გათვალისწინებული.

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შესყიდველს წინამდებარე ხელშეკრულების დანართით N1 (ტექნიკური დავალება) (შემდგომში დანართი N1) გათვალისწინებული პირობების შესაბამისად **სამშენებლო სამუშაოების ზედამხედველობის მომსახურება** (შემდგომში „მომსახურება“) - (CPV 71520000 - მომსახურებები მშენებლობის ზედამხედველობის სფეროში), ხოლო შესყიდველი კისრულობს ვალდებულებას მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

- 3.1. მთლიანი სახელშეკრულებო ღირებულება შეადგენს ----- (**სიტყვიერად**) ლარს.
- 3.2. ხელშეკრულების ღირებულება მოიცავს ყველა ხარჯსა და მოსაკრებელს, რომელიც დაკავშირებული იქნება წინამდებარე ხელშეკრულების **დანართით N1** გათვალისწინებული მომსახურების სრულფასოვანი მიწოდებისთვის და მიმწოდებლისთვის გათვალისწინებულ ყველა გადასახადს.
- 3.3. გასაწევი მომსახურების ღირებულება განისაზღვრება საზედამხედველოდ გადაცემული ხელშეკრულების ფარგლებში ფაქტობრივად შესრულებული სამუშაოების ... იმ პროცენტით, რომელიც შემთავაზებული არის მიმწოდებლის მიერ დანართის N2 (ფასების ცხრილი) მიხედვით.

4. შესყიდვის ობიექტის მახასიათებლები და მიწოდების ვადები

4.1. შესყიდვის ობიექტის მახასიათებლები, მომსახურების მიწოდებისთვის გასატარებელი ღონისძიებები, მომსახურების მიწოდების პირობები და მიმწოდებლისთვის დადგენილი სხვა მოთხოვნები, რომელიც აუცილებელი იქნება მომსახურების სრულფასოვანი გაწევისათვის

მოცემულია ხელშეკრულების დანართში N1.

4.2. მომსახურების მიწოდებისას მიმწოდებელმა უნდა გაითვალისწინოს საქართველოში მოქმედი სამართლებრივი აქტებით დადგენილი ყველა მოთხოვნა, რომელიც დაკავშირებული იქნება მომსახურების გაწევასთან, ასევე მიწოდებული მომსახურება უნდა შეესაბამებოდეს აღნიშნული მომსახურებისათვის დადგენილ სტანდარტებს, მათ შორის საერთაშორისო სტანდარტებსა და მოთხოვნებს.

4.3. მომსახურების მიწოდების საერთო ვადა შეადგენს **36 თვეს**. მომსახურების მიწოდების ვადა განისაზღვრება საზედამხედველოდ გადაცემული ობიექტ(ებ)ის სამშენებლო სამუშაოებისთვის დადგენილი ვადის გათვალისწინებით და მოიცავს საზედამხედველოდ გადაცემულ ობიექტზე სამშენებლო სამუშაოებზე დეფექტების პასუხისმგებლობის პერიოდს, თუ ასეთი რამ გათვალისწინებული არის საზედამხედველოდ გადაცემული ობიექტის შესყიდვის შესახებ გაფორმებული ხელშეკრულებით. სამშენებლო სამუშაოების შესახებ ხელშეკრულებით. **(ეს პუნქტი შესაძლებელი არის ცალკეული შემსყიდველის მიერ ჩამოყალიბდეს კორექტირებული რედაქციით, კერძოდ ამოღებული იქნას დეფექტების პასუხისმგებლობის პერიოდთან დაკავშირებული რედაქცია და მომსახურების მიწოდების საერთო ვადა შემცირდეს, საზედამხედველოდ გადაცემული სამშენებლო ობიექტ(ებ)ის ხელშეკრულების პირობების შესაბამისად)**

5. ხელშეკრულების შესრულების კონტროლი

5.1. ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

5.2. ხელშეკრულების მიმდინარეობის კონტროლის მიზანს წარმოადგენს მიწოდებული მომსახურების ხარისხის ხელშეკრულებით გათვალისწინებულ მოთხოვნებთან, მათ შორის დანართით N1 გათვალისწინებულ მოთხოვნებთან შესაბამისობის დადგენა, მომსახურების განხილვა-შეთანხმება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა.

5.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

5.3 ხელშეკრულების შესრულების კონტროლს ახორციელებს -----

6. შესყიდვის ობიექტის მიღება-ჩაბარების წესი

6.1. მიწოდებული მომსახურების, მათ შორის მომსახურების ეტაპების მიღება განხორციელდება მხარეთა უფლებამოსილი წარმომადგენლების მიერ გაფორმებული მიღება-ჩაბარების აქტის საფუძველზე.

6.2. იმ შემთხვევაში, თუ გაწეული მომსახურების შუალედური ინსპექტირების შედეგები უარყოფითია, შემსყიდველს შეუძლია, უარი განაცხადოს მომსახურების სრულად ან მისი ნაწილის მიღებაზე და ანაზღაურებაზე.

6.3. ხელშეკრულების 6.1. პუნქტით გათვალისწინებული მიღება-ჩაბარების აქტი მიმწოდებლის მიერ შემსყიდველს უნდა წარედგინოს ყოველი საანგარიშო თვის ბოლოს, *მიღება-ჩაბარების აქტის გაფორმების პრინციპები შესაძლებელია განსაზღვროს შესაბამისმა შემსყიდველმა, ასეთ შემთხვევაში აღნიშნული პრინციპის გაწერა განხორციელდება წინამდებარე პუნქტში.*

6.4. შემსყიდველის მხრიდან მომსახურების მიღება-ჩაბარებაზე უფლებამოსილი პირი არის -----

6.5.. გაწეული მომსახურების მიღების და საბოლოო შემოწმების ადგილია შემსყიდველის ადგილსამყოფელი და/ან საჭირო შემთხვევებში საზედამხედველო ობიექტი.

7. ანგარიშსწორება (ხელშეკრულების გაფორმებისას შესაბამისი შემსყიდველის მიერ მე-7 მუხლით გათვალისწინებული პუნქტების ნუმერაცია შესაძლებელი არის შეიცვალოს, თუ ამოღებულ იქნა 7.6. პუნქტი შესაბამისი შემსყიდველის მიერ სამშენებლო სამუშაოებზე გაფორმებული ხელშეკრულების შესაბამისად)

- 7.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით. მიმწოდებლის საბანკო რეკვიზიტებზე.
- 7.2. მომსახურების ანაზღაურება განხორციელდება საზედამხედველოდ გაცემულ ობიექტზე ფაქტობრივად შესრულებული სამუშაოების ღირებულების პროპორციულად ხელშეკრულების 3.3. პუნქტით განსაზღვრული პროცენტის მიხედვით.
- 7.3. ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტისა და დადგენილი წესით საგადასახადო ანგარიშფაქტურის წარდგენის საფუძველზე თუ მიმწოდებელი არის დღგ-ს გადამხდელი.
- 7.4. ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 7.3. პუნქტით გათვალისწინებული დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.
- 7.5. იმ შემთხვევაში, თუ მიმწოდებლის მიერ გაწეული მომსახურების ღირებულებამ არ შეადგინა ხელშეკრულებით გათვალისწინებული თანხა, შემსყიდველი მიმწოდებელს აუნაზღაურებს მის მიერ ფაქტობრივად გაწეული მომსახურების ღირებულებას ხელშეკრულებით განსაზღვრული ფასების (პროცენტები) შესაბამისად, ხოლო მიმწოდებელს არ უნდა გააჩნდეს პრეტენზია აუთვისებელი მომსახურების ანაზღაურებაზე.
- 7.6. იმ შემთხვევაში თუ საზედამხედველოდ გაცემული სამშენებლო სამუშაოების ხელშეკრულება ითვალისწინებს დეფექტების პასუხისმგებლობის პერიოდს და შემსყიდველის მხრიდან დაკავებული არის შესრულებული სამუშაოს ღირებულების შესაბამისი %, ასეთ შემთხვევაში მიმწოდებელთან საბოლოო ანგარიშსწორება განხორციელდება დეფექტების პერიოდის გასვლის შემდეგ, დეფექტებთან დაკავშირებით მიმწოდებლის მიერ შედგენილი სათანადო აქტის მომზადების საფუძველზე, წინამდებარე ხელშეკრულების 7.3. და 7.4. პუნქტით გათვალისწინებული პირობებით. შესაბამის სამშენებლო ობიექტზე საზედამხედველო მომსახურების საბოლოო ანგარიშსწორებისას მომსახურების ღირებულება განისაზღვრება დეფექტების პასუხისმგებლობის პერიოდში დაკავებული თანხის პროპორციულად ხელშეკრულების 3.3. პუნქტით განსაზღვრული პროცენტის მიხედვით**
- 7.7. მიმწოდებლის მოთხოვნის შემთხვევაში შესაძლებელია საავანსო ანგარიშსწორება საქართველოში მოქმედი საფინანსო ინსტიტუტის მიერ გაცემული შემსყიდველთან შეთანხმებული შინაარსის უპირობო, გამოუთხოვადი წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 60 კალენდარული დღით უნდა აღემატებოდეს მომსახურების მიწოდების საბოლოო ვადას.
- 7.8. წინასწარი ანგარიშსწორების მიზნით მიმწოდებელი ვალდებული არის წარუდგინოს შემსყიდველს არგუმენტირებული მოთხოვნა ავანსის მოხოვნის შესახებ. შესყიდველი უფლებამოსილი არის უარი განაცხადოს ავანსის გაცემაზე თუ მიმწოდებელი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა ან/და არსებოს სხვა რისკის შემცველი სხვა მნიშვნელოვანი გარემოება. შემსყიდველის მოთხოვნის შემთხვევაში მიმწოდებელი ვალდებულია, შემსყიდველს წარუდგინოს შესაბამისი დოკუმენტები, რომელიც გამორიცხავს 7.8. პუნქტით გათვალისწინებულ რისკის შემცველ გარემოებებს.
- 7.9. ავანსის მოცულობას და პერიოდულობას განსაზღვრავს „შემსყიდველი“ „მიმწოდებლის“ მიერ წარმოდგენილი არგუმენტირებული მოთხოვნის საფუძველზე.
- 7.10. თეთრ სიაში რეგისტრირებული მიმწოდებელი, წარმოადგენს წინასწარი ანგარიშსწორების (საავანსო გადახდა) საბანკო გარანტიას საავანსო თანხის 50%-ის ოდენობით.
- 7.11. წინასწარი ანგარიშსწორება მიმწოდებელთან განხორციელდება მის მიერ შესაბამის თანხაზე საქართველოში მოქმედი საქართველოში მოქმედი საფინანსო ინსტიტუტის მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან არაუგვიანეს 15 (თხუთმეტი) სამუშაო დღის განმავლობაში.
- 7.12. წინამდებარე ხელშეკრულების 7.10. პუნქტით გათვალისწინებული პირობების შესაბამისად წინასწარი ანგარიშსწორების შემთხვევაში თავდაპირველად განხორციელდება არაუზრუნველყოფილი საავანსო თანხის დაქვითვა სრულად.
- 7.13. წინასწარი ანგარიშსწორების შემთხვევაში საავანსო თანხის დაქვითვა განხორციელდება 20%-ის ოდენობით თითოეული მიწოდებული მომსახურების ღირებულებიდან.

8. მომსახურების ხარისხი და გარანტია

8.1. მიმწოდებელი იძლევა გარანტიას, რომ მის მიერ გაწეული მომსახურება იქნება უნაკლო, არ გამოავლენს ხარვეზებს და შესრულებული იქნება მაღალხარისხივად, შეესაბამება საქართველოში მოქმედ ნორმებსა და წესებს, მსგავსი მომსახურებისათვის უკვე დადგენილ სტანდარტებს, ტექნიკურ სპეციფიკაციებს, აგრეთვე, ხელშეკრულებაზე თანდართული დანართი N1 გათვალისწინებულ პირობებს

8.2. წინამდებარე ხელშეკრულების 8.1. პუნქტში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში შემსყიდველი უფლებამოსილია, არ მიიღოს მომსახურება ან/და მიმწოდებლის მიმართ გამოიყენოს ხელშეკრულებით და საქართველოს კანონმდებლობით გათვალისწინებული პასუხისმგებლობის ზომები.

9. მხარეთა ვალდებულებები

9.1. მიმწოდებელი ვალდებულია:

9.1.1. კეთილსინდისიერად და მაღალპროფესიონალურ დონეზე შეასრულოს ხელშეკრულებით ნაკისრი ვალდებულება.

9.1.2. მომსახურება განახორციელოს ჯეროვნად, ხელშეკრულებაზე თანდართული დანართის N1 და ხელშეკრულების პირობების შესაბამისად

9.1.3. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.1.4. დროულად და საკუთარი ხარჯებით უზრუნველყოს მისი ბრალეულობით არსებული ნებისმიერი ხარვეზის აღმოფხვრა.

9.2. შემსყიდველი ვალდებულია:

9.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

9.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2.3. დაიცვას ხელშეკრულებით გათვალისწინებული ყველა პირობა.

10. მხარეთა უფლებები

10.1. მიმწოდებელს უფლება აქვს:

10.1.1. ხელშეკრულების ფარგლებში მოითხოვოს დროული და სრული დაფინანსება.

10.2. შემსყიდველს უფლება აქვს:

10.2.1. აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი.

10.2.2. განაცხადოს უარი უხარისხო მომსახურების მიღებაზე.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. ხელშეკრულების პირობების და ფასების გადასინჯვა

12.1. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

13. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

15. ხელშეკრულების შესრულების უზრუნველყოფა

15.1. იმისათვის, რომ თავიდან იქნეს აცილებული რისკი, წარმოქმნილი “მიმწოდებლის” მიერ სახელმწიფო შესყიდვების შესახებ ხელშეკრულების შეუსრულებლობის გამო, “მიმწოდებლის” მიერ საქართველოში მოქმედი საფინანსო ორგანიზაციიდან წარმოდგენილია შემსყიდველთან შეთანხმებული შინაარსის უპირობო და გამოუთხოვადი (----%) ლარის ღირებულების ხელშეკრულების შესრულების უზრუნველყოფის საბანკო გარანტია რომლის მოქმედების ვადა უნდა არანაკლებ 60 კალენდარული დღით უნდა აღემატებოდეს მომსახურების მიწოდების საერთო ვადას.

15.2. იმ შემთხვევაში თუ ხელშეკრულებით გათვალისწინებული გარემოებების დადგომისას, შეთანხმების შედეგად გაგრძელდა მომსახურების მიწოდების საერთო ვადა, „მიმწოდებელი“ ვალდებულია წარმოადგინოს გაგრძელებული ვადის ან/და ხელშეკრულების შესრულების უზრუნველყოფის საქართველოში მოქმედი საფინანსო ორგანიზაციის მიერ გაცემული ახალი საბანკო გარანტია, რომლის მოქმედების ვადა მინიმუმ 60 კალენდარული დღით უნდა აღემატებოდეს გაგრძელებულ ვადას.

15.3. იმ შემთხვევაში თუ წინამდებარე ხელშეკრულების 15.2 პუნქტით გათვალისწინებული შემთხვევის არსებობისას მიმწოდებელი ხელშეკრულების შესრულების უზრუნველყოფის საბანკო გარანტიის ვადის გასვლამდე 5 სამუშაო დღით ადრე არ ან ვერ წარმოადგენს წინამდებარე

ხელშეკრულების 15.2. პუნქტით გათვალისწინებულ გაგრძელებული ვადის ან ახალ საბანკო გარანტიას, ან მხარეები ვერ შეთანხმდებიან მიწოდების ვადის გაგრძელებაზე, ან ხელშეკრულება ვადამდე შეწყდება მიმწოდებლის ბრალეულობით წინამდებარე ხელშეკრულების 17.2 ან 17.3 პუნქტებით გათვალისწინებული პირობით, შემსყიდველი მიმართავს საბანკო გარანტიის გამცემ ორგანოს საბანკო გარანტიით გათვალისწინებული თანხის სრულად გამოთხოვაზე. ამასთანავე საბანკო გარანტიით გათვალისწინებული თანხის შემცირება არ განხორციელდება წინამდებარე ხელშეკრულების 16.1 დაკისრებული პირგასამტეხლოს პროპორციულად, დაკისრებული პირგასამტეხლოს გადახდას მიმწოდებელი უზრუნველყოფს დამატებით წინამდებარე ხელშეკრულებით გათვალისწინებული პირობების შესაბამისად.

15.4. საბანკო გარანტია მიმწოდებელს დაუბრუნდება ხელშეკრულებით ნაკისრი ვალდებულებების სრულად შესრულებისას

16. ხელშეკრულების პირობების შეუსრულებლობა

16.1. მიმწოდებელი კისრულობს პასუხისმგებლობას ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის თითოეულ შემთხვევაზე გადაუხადოს პირგასამტეხლო შემსყიდველს საზედამხედველოდ გადაცემულ იმ ობიექტზე გასაწევი მომსახურების ღირებულების 2%-ის ოდენობით, რომლის ფარგლებში განხორციელდა ხელშეკრულებით გათვალისწინებული ვალდებულებ(ებ)ის შეუსრულებლობა ან არაჯეროვანი შესრულება მაგრამ არანაკლებ 1 000 (ერთი ათასი) ლარის თითოეული შემთხვევისთვის.

16.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს შეუსრულებელი ვალდებულების ღირებულების 0,1%-ის ოდენობით, ყოველ ვადაგადაცილებულ დღეზე.

16.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

16.4. იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის ან არაჯეროვანი შესრულებისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

16.5. იმ შემთხვევაში თუ, წინამდებარე ხელშეკრულების 16.4. პუნქტით გათვალისწინებული პირობა დადგა მიმწოდებლის მიერ ხელშეკრულების პირობების არაჯეროვანი შესრულების ან შეუსრულებლობის გამო, მიმწოდებელი ვალდებულია შემსყიდველის მიერ პირგასამტეხლოს დაკისრების თაობაზე შესაბამისი შეტყობინების წარდგენიდან 15 (თხუთმეტი) დღის ვადაში უზრუნველყოს დაკისრებული პირგასამტეხლოს გადახდა შემსყიდველის მიერ მითითებულ რეკვიზიტებზე.

16.6. შემსყიდველი უფლებამოსილია ხოლო მიმწოდებელი თანხმად დაკისრებული პირგასამტეხლოს გამოქვითვა განხორციელდეს საანგარიშსწორებო თანხიდან, ასეთ შემთხვევაში პირგასამტეხლოს სახით დაკავებული თანხის შესაბამის რეკვიზიტებზე გადარიცხვას უზრუნველყოფს შემსყიდველი.

17. ხელშეკრულების შეწყვეტა

ხელშეკრულება შეიძლება ვადაზე ადრე შეწყვეტილ იქნეს:

17.1. მხარეთა შეთანხმებით;

17.2. ხელშეკრულების 16.4. პუნქტით გათვალისწინებული პირობის არსებობისას;

17.3. საქართველოს მოქმედი კანონმდებლობით გათვალისწინებულ სხვა შემთხვევებში.

18. ხელშეკრულების მოქმედების ვადა

18.1. წინამდებარე ხელშეკრულება ძალაში შედის ხელმოწერისთანავე და მოქმედებს 2025 წლის 31 დეკემბრის ჩათვლით. (აღნიშნული ვადა შესაბამისი შემსყიდველის მიერ შესაძლებელი არის შემცირდეს)

20. განსაკუთრებული პირობები

20.1. ხელშეკრულება ხელმოწერილია საქართველოს კანონმდებლობის შესაბამისად მხარეთა უფლებამოსილი წარმომადგენლების მიერ

„შემსყიდველი“	„მიმწოდებელი“